

# Izrada strateškog dokumenta - Opis posla

## I. Pozicija

|                   |  |
|-------------------|--|
| Naziv pozicije:   | Autor/ica strateškog dokumenta o pravnom okviru memorijalizacije u Bosni i Hercegovini |
| Projekat:         | Virtual Memories: fighting institutional resistance to inclusive memorialization       |
| Lokacija:         | Sarajevo, Bosna i Hercegovina  |
| Polje ekspertize: | Tranzicijska pravda, memorijalizacija  |
| Tip ugovora:      | Ugovor o djelu   |
| Trajanje:         | pet radnih dana  |
| Broj osoba        | Jedna ili dvije  |

## II. Opis posla i svrha ugovora

Kao vid borbe protiv negatorskih i revizionističkih narativa prisutnih u Bosni i Hercegovini, projekat "Virtual Memories" ima za cilj uspostavljanje mobilne platforme (aplikacije) za širenje znanja o ratnim zločinima od 1992. do 1995. godine u BiH, s fokusom na civilne žrtve.

Kroz istraživanje, mapiranje, izvještavanje i zagovaranje, cilj je doprinijeti razumijevanju javnosti o mehanizmima tranzicijske pravde u Bosni i Hercegovini u vezi kulture sjećanja i uključivanja javnih institucija u adekvatno obilježavanje lokaliteta ratnih zločina.

Istraživač/ica ili istraživači/ce će kroz istraživanje, analizu i razgovore sa predstavnicima/cama udruženja porodica žrtava iz pet lokalnih zajednica napisati strateški dokument koji za fokus ima prikaz pravnog okvira memorijalizacije u Bosni i Hercegovini. U dokumentu bi bile navedene informacije o zakonima kroz primjere uz preporuke, te preporuke za rješavanje pravnih izazova u procesima memorijalizacije. Dokument će služiti za daljnju implementaciju projekta „Virtual Memories“, udruženjima i pojedincima/kama uključenim u procese tranzicijske pravde, i za informisanje javnosti o pravnom okviru memorijalizacije u Bosni i Hercegovini.

*Ovaj oglas za posao je proizveden uz pomoć projekta Virtual Memories: fighting institutional resistance to inclusive memorialization, koji finansira Evropska komisija, a sprovode BIRN BiH i forumZFD Sarajevo. Sadržaj ovog oglasa je isključiva odgovornost BIRN-a i forumaZFD i ne odražava nužno stavove Evropske komisije.*

### III. Dužnosti i odgovornosti:

Izrada strateškog dokumenta o inicijativama i dobrim praksama memorijalizacije u Bosni i Hercegovini.

Krajnji rezultat osobe angažovane za rad će biti u skladu sa ciljevima "Virtual Memories" projekta gdje će se prikazati suštinsko razumijevanje procesa memorijalizacije i procesa tranzicijske pravde u Bosni i Hercegovini i šire. S tim u vezi, rezultat u vidu strateškog dokumenta će sadržavati pregled prošlih i trenutnih inicijativa u vezi memorijalizacije, dobrim praksama koje su se koristile u Bosni i Hercegovini, regionu i svijetu, te važnost svih aspekata u kontekstu suočavanja s prošlošću i izgradnjom mira. Dokument će služiti pojedincima i pojedinkama, organizacijama civilnog društva, te neformalnim skupinama građana da bolje razumiju prakse inicijativa za memorijalizaciju, naučene lekcije i dobre prakse, i kako da djeluju u zagovaranju memorijalizacije civilnih žrtava rata u Bosni i Hercegovini, posebno kada je riječ o inkluzivnoj memorijalizaciji.

Strateški dokument će najprije navesti najmanje deset prošlih i najmanje tri trenutne inicijative za memorijalizaciju. Svaka će se zatim opisati i prikazati u praktičnom smislu primjene, te će se navesti relevantni detalji o samom zločinu koji je tema memorijalizacije. Na osnovu navedenih inicijativa dokument će sadržavati analizu mogućih izazova u procesima memorijalizacije. Ova analiza će prikazati ishode, izazove i argumentaciju inicijativa za prošle inicijative, stanje sadašnjih inicijativa sa detaljnim informacijama, te će se izvesti zaključak na osnovu svega navedenog.

Dokument će navesti najmanje pet preporuka za inkluzivnu memorijalizaciju i rješavanje pet izazova u zagovaranju memorijalizacijskih procesa u Bosni i Hercegovini. Preporuke će sadržavati korake ka uspješnom procesu zagovaranja memorijalizacije u kroz primjere sadašnjih i trenutnih memorijalizacijskih inicijativa. Pružajući praktične i detaljne primjere dobrih praksi i drugih neophodnih koraka, čitaoc/čitateljica će biti pravilno informisana o praksama kada je u pitanju memorijalizacija.

Autor/ica će se sastati sa predstavnicima/cama porodica žrtava i drugih srodnih udruženja u pet lokalnih zajednica u Bosni i Hercegovini kako bi dobila uvid u procese, inicijative i izazove za memorijalizaciju u tim zajednicama. Troškovi puta i smještaja će biti obezbijeđeni od strane naručioca u skladu sa obezbijeđenim sredstvima.

| # | Rezultat   | Broj dana po zadatku | Rok za dostavu | Procenat |
|---|--|----------------------|----------------|----------|
| 1 | Draft strateškog dokumenta o inicijativama i dobrim praksama memorijalizacije u Bosni i Hercegovini na odobrenje i komentare BIRN-u i forumuZFD Sarajevo | 4 dana               | 01.11.2024.    | 80%      |
| 2 | Finalna verzija strateškog dokumenta sa usvojenim komentarima BIRN-a i forumaZFD Sarajevo  | 1 dan                | 05.11.2024.    | 20%      |

## IV. Kompeticije

Dijeljenje vrijednosti BIRN-a BiH i forumaZFD Sarajevo:

1. Rad zasniva na istinitim, objektivnim, provjerljivim činjenicama
2. Saraduje sa ljudima bez obzira na njihovu polnu, religijsku, rasnu, nacionalnu i starosnu pripadnost
3. Tretira sve ljude pošteno bez favorizovanja
4. Kroz svoj rad promovira konstruktivne i nenasilne transformacije konflikata

Funkcionalne kompetencije:

1. Dobre komunikacijske i organizacijske vještine, timski rad
2. Otvorenost za promjene i sposobnost primanja/integriranja povratnih informacija

## V. Kvalifikacije

Obrazovanje

- Fakultet društvenih ili prirodnih nauka

Iskustvo

- Najmanje dvije godine relevantnog radnog iskustva
- Rad na najmanje dvije istraživačke publikacije, što uključuje akademske radove

*Ovaj oglas za posao je proizveden uz pomoć projekta Virtual Memories: fighting institutional resistance to inclusive memorialization, koji finansira Evropska komisija, a sprovode BIRN BiH i forumZFD Sarajevo. Sadržaj ovog oglasa je isključiva odgovornost BIRN-a i forumaZFD i ne odražava nužno stavove Evropske komisije.*

- Najmanje jedan objavljen pisani rad (članak, op-ed. ili kolumna)

Jezik

- bosanski/hrvatski/srpski

## VI. Rok za prijavu i napomene

Molimo da pošaljete svoj CV i kontakt informacije putem e-maila na [hajlovac@forumzfd.de](mailto:hajlovac@forumzfd.de),  
Predmet: Izrada strateškog dokumenta o pravnom okviru memorijalizacije, **do (15 dana od dana objave poziva)**

U slučaju prijave dvije osobe, potrebno je poslati u istom e-mailu CV i kontakt informacije obje osobe.